

HA MAXAAFAA OHETTAANNE NAAGUWA

Ha maxaafaa daro luxiyageeti go'ettanawu de'iyo gishshawu suure oyqqana koshshees. Kaalliya tammu yohoti Ha maxaafaa waatidi suure oyqqanaakonne ogiya besoosona.

1. Ha maxaafaa koohuwa mino woraqatan woykko haatta kanttisennaban mayzza
2. Maxaafaa irixxiyabi (shanggoccenna)sohuwan wotta.
3. Maxaafaa qita kushiyan oyqqananne dooyana koshshenna
4. Maxaa koohuwan gidin gomppan koshshenna misilettanne xuufeta xaafana koshshenna.
5. Maxaafaa sinttaa eranawunne nabbabiidi eqqidosa akeekana maxaafaa yeechchaa dakkoyana(qalam"ana)koshshenna.
6. Maxaafaa gidon de'iya misiliya gidin xuufiya oyqqida issi yeechchayne shodettid ixayana koshshenna.
7. Geello maxaafay pooshettiyaba gidikkokka zaaridi sikkananne mastiishshiyantana koshshees.
8. Maxaafaa korojuwan yeggiidikka qalam"ettanaadan naagettana koshshees.
9. Maxaafaa hara asawu garixxikkokka garixxiya izaaway suure go'ettana mala odana koshshes.
10. Maxaafaa suure dooyiyogaa,yeechchatikka shodetti wodhdhenna malanne moorettana mala suure oyqqana koshshees.



TOOPHPHIYA MALAATA DOONAA

LXIYO MAXAAFA

Heezantta kifiliya

BIRSHIDAAGEE:

- * Habtamu Tadesse (BA)

KAALLI XEELIDAAGEE:

- * Tesfaye Tashsha (Dr)

Desiyner:

- * Siisaayi Taagassa

2011 M.L
Woolayitta



Toophphiya pederale demokirase irippabilikke kawotettan luxetta moconaa

KESUWA


SHEMPPUWA HUUPHE YOHUWA

SINTTAA

1	Nu Luxetta Golliya	-----	1
2	Tammanne Heezzu aginaa imotaa	-----	9
3	Nu heeraa	-----	15
4	Geeshshatettaa	-----	20
5	Yelidaageetu Aawatettaa	-----	28
6	Naati ayi oottiiddi de'iyonaa?	-----	34
7	Ha'i wodee bone	-----	41
8	Tana luxissiyara lee'e	-----	47
9	Ne korojjoy ayi malatii?	-----	53
10	Guuran guuran ayi ootteettii?	-----	58
11	Urizziya(isipporttiya)kaassaa	-----	65
12	Luxissiyagee luxetta golliyan oottees	-----	70

KOYRO SHEMPPUWA

NU LUXETTA GOLLIYA



KOYRO LUXETTAA

Be'idi(xeellidi) nabbabiyogaa Oosuwa isstta

Intte kifile gidдон de'iya buqurata ane Toophphiya malaata doonan oys-hshettite.

Citaa miireti oychchiyogaa zaarite.












Hagee aybee?	Hagee	_____
Hegee aybee?	Hegee	_____
Hageeti aybee?	Hageeti	_____
Hegeeti aybee?	Hegeeti	_____

Oossuwa naa'a

Toophphiya malaata doonan qonccissiyo wode xeellitenne ha buquratu aybatettaanne go'aa xeelliyagan tobbite.


Inttena luxissiyagee (luxissiyara) kifile gidдон de'ya dumma dumma buqurata

Malaatata

 Dawutaraa	 Maxaafaa	 Oydiya	 Irissaassiya
 Xariphphээzzaa	 Karetta borddiya	 Luxiyageetu korijjuwa	 Yafariyogaa
 Biiriya	 Laaphhissiya	 Laaphhissiya	 Pooxiyogaa

Oosuwa Heezza

Hagaappe garssa baggaara de'ya malaatata xeellite



Koyro meeziya

Hagaappe garissaara de'iya oyshata sinttaa 3n be'ido missileta baaso oottidi inttena luxissiyageetussi Toophphiya malaata doonan zaarite.

1. Irissaassee awan de'ii?
2. Korojjoy xariphpheezaappenne oydiyappe gidduwan de'ii?
3. Dawutaray awan de'ii?
4. Aannoy kareta boriddiya achchan de'ii?
5. Xaraphpheezyaw awan de'ii?
6. Luxissiyagee xaraphpheezaappe guyeera de'ii?
7. Oydee awan de'ii?

Oosuwa 4


Hagaappe garissaara de'iya misileta xeellidi misiliya bollan be'ido buquratanne eta go'aa intte laggetuura Toophphiya malaata doonan tobbite.



Oosuwa 5

Luxissiyageeti Toophphiya malaata doonan bessiyo sohuwa bessiya malaatata wudidi kaallite.

Malaatata



NAA"ANTTO LUXETTA

Naachchaa.

Oosuwa 1 Hagaappe garssaara de'iya qantta tobbiya inttena luxissiya-geeti Toophphiya malaata doonan nabbabiyo wode kaallitenne waattan waattan gididi meezetite.

TA MAXAAFAY AWAN DE'II?

Aawaa: Ta na'awu, Luxetta golliya biyo wodee gakkiis. Hodde nebuqurata muliya oykkada haaya.

Na'aa: Ta maxaafaa demmabeekke. Taawulee maxaafaa eppiyogee attennaba. Kifile gidдон imettiya oosota nabbabana.

Aawaa: Ne maxaafaa yaattin awan wottadiishsha? Ne korjjo gidдон baawee?

Na'aa: Ta korjjo gidдон baawa. arssa garssankka baawa. xarphpheezzaa sinttankkabaawa. Oydiya achchankka baawa. xarphpheezzaa guyyenkka baawa.

Aawaa: maxaafaa wottiyossan xeelladii?

Akkay Taawulee hegaankka baawa.

Aawaa: Oydiappenne xaraphpheezzaappe gidдуwan de'iyakko ane xeella.

Na'aa: Akkay heгаа garssankka baawa.

Aawaa: Geello luxetta golliyan dogada yaadiishsha?

Na'aa: Ee Taawulee !ha'I hassayaas luxetta golliyan aggada yaas. Taawulee keehippe galatays!





Koyro meeziya.

Qommo bagaara shiiqida qantta tobbiya baaso oottidi inttena luxissiya-geeti oyichchiyo oyshshaas Toophphiya malaata doonan zaaruwa immite.

1. Na'ay luxetta golliya baanaaniidi aybaa koydee?
2. Na'aa maxaafaa demmiday aawayiyye?
3. Na'ay maxaafaa demmidoy korjjo gidoppeeyye?

Oosuwa 2


Hagaappe garssa bagaara imettida qaalatu gidoppe ichchashshaa dooridi Toophphiya malaata doonan qofa qashuwa medhdhite.

 <p>Xarphpheezaa</p>	 <p>oydiya</p>	 <p>karetta saleedaa</p>
 <p>dawutaraa</p>	 <p>maxaafaa</p>	 <p>irssaassiya</p>
 <p>2 biiriya</p>	 <p>luxiyageetu korjjuwa</p>	 <p>aannuwa/chokkiya</p>

1. Garssa bagaara,garssan,xadeera,xaden,
2. Bolla bagaara, bollan,
3. Miyyessaara,miyyiyyan,
4. Sinttaara,sinttan,
5. Guyyessaara,guyyen

NAA”ANTTO SHEMPPUWA

TAMMANNE HEEZZU AGINA IMOTAA



KOYRO LUXETTAA.

Zaaretuwa

Oosuwa 1.

Saammintta gidдон de'iya gallassata hassayiyogan inttte citaa miireti yootana mala Toophphiya malaata doonan oyshchite. Intte miireti zaaridi inttena oyshchiyo wode zaarite.

Koyro meeziya.

Hagaappe garssaara oyshshettida oyshata nabbabidi Toophphiya malaata doonan zaarite.

1. Hachchi sa'ay aybee?
2. Wontto sa'ay aybee?
3. Wonttippen sa'ay aybee?
4. Zino sa'ay aybeeshsho?
5. Zinobaynni sa'ay aybeeshsho?


Naa'antto meeziya.

Hagaappe garssa bagaara oyshshettida oyshata citaa tobbiya baaso ootti-yogan Toophphiya malaata doonan zaarite.

1. Bizza gallassay saamminttan aappunto luxetta gallassee?
2. Sagga gallassay saamminttan aappunto luxetta gallassee?
3. Woliila gallassay saamminttan aappunto luxetta gallassee?
4. Ciishsha gallassay saamminttan aappunto ooso gallassee?
5. Shaaga gallassay saamminttan aappunto ooso gallassee?

Oosuwa 2

Shemppuwa naa'a Tammanne heezzu agina imotaa. Hagaappe garssa bagaara de'iya misileta xeelliyogan misilliya bollan intte be'iyoyohota Toophphiya malaata doonan inttena luxissiyagaa /ro/bessite.



Oosuwa 3.













Gallassaa carkkuwa hanotaa citan gididi Toophphiya malaata doonan oyshshettite. Gallassaa carkkuwa hanotaa intte citaa miireta Toophphiya malaata doonan oychchite. Intte citaa miireti oychchiyo wode zaaruwa immite.

1. Hachchi carkkuwa hanotay ayi malee?
2. Zino carkkuwa hanotay ayi maleeshsho?
3. Wontto carkkuwa hanotay ayi mala gidaneeshsha?

Xeellidi nabbabiyogaa

OOSUWA 1

Hagaappe garssa baggaara de'iya yafara gididon shiiqida aginata inttena luxissiyagee/ra/Toophphiya malaata doonaa go'ettidi qonccissiyo wode suure kaallite.

M.P	aginaa	maalaataa	M.P	AgInaa	maalaataa
1	gifaataa		8	Gabbaa	
2	Gooluwa		9	Laaboo shshsaa	
3	Baraataa		10	guuliya	
4	Duubba-laa		11	Caljuwa	
5	sha-chchaa		12	kuu-shshaa	
6	Loonggi-yaa		13	Nuucco	
7	Bullaa				

KOYRO MEEZIYA.

Layttaa gidдон de'iyā issi issi aginati aappunnta aginakko odiyogan intte ayi aginan yelettidaakkonne Toophphiya malaata doonan qonccissitte.

Leemisuwa:

Gifaatay layttawu koyro agina.

Nuucca layttawu tammanne heezzantto agna.


Taani yelettidooy longgiya aginaana.

Naa”antto meeziya

Hagaappe garssa baggaara shiiqida layttaa gidдон de'iyā aginata xeellidi paccida aginata Toophphiya malaata doonan bessite.

Gifaataa---baraataa--- ---Longgiya---Gabbaa Laabooshaa—Caljuwa—
Nuucco.

Oosuwa 2.Hagaappe garssa baggaara immettida qaalatago’ettidi Toophphiya malaata doonan qofa qashuwa medhdhite.



Oosuwa 3.

Hagaappe garssa baggaara de'ya qantta nibbaabiya inttena luxissiyagee/ra/Toophphiya malaata doonan nabbabiyo wode kaallite.

Tammanne Heezzu Aginaa Imotaa

Toophphiya tammanne heezzu aginaa kumettaa awaa poo'uwa demmiya biitta. Toophphiyan guuliya aginaa baggaappe biidiGifaataa aginaa baggaa gakkanaashin ira wode.

Gidoppe attin ha ira wodetunkka away de'ees.Ha hanotay Toophphiyo ayi aginatunkka gidin xomoosuwawu injje oottees.Ira wodee gifaataa aginaa wurssetaa gakkanawu gam'ana danddayees.Hegaa gishshawu gooluwa aginaappe ---laabooshshaa aginaa gakkanawu xomoosuwawu injje gidida agina.Ira wodetun dariya bagga Toophphiya biittay maata malatees.Hahanotay ayfiyan xeelliyo wode yeemoyianne puula meray biitteessi de'anaadan oottis.

Daro xomoosiyageeti dumma dumma wodetun Toophphiya yoosona. Gifaataa aginan Toophphiya yiya xomoosiyageeti iraa wodee wuriyor-in dembbaa alleeqqissiya adl'e ciishsha meray de'iyo ciishshata be'iyo qaaday de'ees.Gifaataa aginan be'iyo ciishshatuppe bayratiyagee adl'iya geetettiya ciishshaa.Hegaa gidikkonne Toophphiya tammanne heezzu aginaa muliya awaa poo'uwa demmiyaroo gidiyogaa dendo oottidi tammanne heezzu aginaa awaa imotay de'iyo biitta yaagidi xomoosiyageeti qonccissoosona.


Heezantto meeziya.

Kaalliya oyshata nabbabuwa maaranToophphiya malaata doonan zaarite.

1. Toophphiyan iray keehi bukkiyo aginati awugeetee?
2. Toophphiyan xomoosuwawu injje gidida aginatiawugeetee?
3. Toophphiyo tammanne heezzu aginaa awaa imotay de'ees giidooy aybissee

HEEZANTTO SHEMPPUWA

NU HEEERAA



KOYROLUXETTAA

Xeellidi nabbabbiyogaa


Oosuwa 1

Citan citan gidi issoy issuwa qatuwa Toophphiya malaata doonan oysheetite.

1. Ne heeray awee?
2. Ne heeraw dumma malaatay ayibee?
3. Ne heeray luxetta golliyappe awu bagaara de'ii?
4. Ne buzo qatoy awee?

Oosuwa 2

Hagaappe ga r ssa baggaara de'iya misiliya bollan be'iyoyohotta intte miyyiyan de'iya laggetuura Toophphiya malaata doonan tobbite.



NAA'ANT TOLUXETTAA

Naachchaa

Oosuwa 1

Hagaappe garssa baggaara de'iyaa qantta tobbiya intena luxissiyagee/ra/
Toophphiya malaata doonan nabbabiyo wode tishshi oottidi xeelliyogan-
inne akeekiyogan waattan waattan gididi kayan kayan meezetite.

Nu heeraa

Luxissiyagee Darccuuranne Wogetiira oottido tobbiya.

Luxissiyagaa: Ay mala pe'detii naatoo?

Darcca: Ay mala pe'detii luxissiyageetoo? Nuuni keehippe lo'o.

Luxissiyagaa: Haggaa heeran ayi ootteetii???

Wogeto: Nu heeray haggaa tenne.

Luxissiyagaa: Ha heeraa sunttay ayba geetetii?

Darcca: Haheeray Gandaba geetettes .

Luxissiyagaa: Ha heeraassi dumma malaatay ayibee?

Wogeto: Hagan Wolaytta Sooddo Yunbburshshee de'ees.

Darcca: Harabay qassiganddabbadembay de'ees .

Luxissiyagaa: Woraabi! Intte heeraa eriyogeenne dumma malaataa
akeekiyogee keehippe maaddiyaba.I bawu intte luxetta gollee hagaappe
awa ginaara de'ii?

Wogeto: Nu luxetta gollee heggaa ginani de'ee.

Luxissiyagaa: Hagginay ayba geetetii?

Darcca: Huuphphessa ginaa geetettes.

Luxissiyagaa: Intte keehippe mino naata.Eeno ha'i tobbidoogaa wontto maa lado kifiliyan zaarettana.Issi issi luxiyagee ba buzo qatuwa, heer- aanne heerawu dumma malaataa oychchiyogan tobbana. Eeno luxissi- yageetoo lo"o pe'te.

Darcca: Nu heeraa erana mala zoridogishshawu galatoos!

Luxissiyagaa: Saro pe'ite luxiyageetoo!


Koyro meeziya

Qommo baggaara de'iya qantta tobbiya baaso oottiyogan kaaliya oys- hata gamma gididaageeta "Tuma" bala gididaageeta "Worddo" giyogan Toophphiya malaata doonan zaarite".Worddo" giidi zaarido oyshatuyo gamma zaaruwa inttena luxissiyagaassi yootite.

1. Darccu luxissiyagaa ha heeray ayba geetetii giidi oychchiis.
2. Darccunne Wogetintta heerawu dumma malaatay Wolaytta Sooddo Yunbburshshiya.
3. Darccunne Wogetintta luxetta gollee eta heeraappe tohossa baggaara de'ees.
4. Darccunne Wogeta bantana luxissiyagaara issi heeran de'oosona.
5. Darccunne Wogeti heeray ganddabba geetteetes.


Oosuwa 2

Hagaappe garssa bagaara imettida malaatata go'ettiyyogan Toophphiya malaata doonan qofa qashuwa medhdhite.



OYDDANTTO SHEMPPUWA

GEESHSHATETAA



KOYRO LUXETTA


Xeellidi nabbabiyoga

Oosuwa 1

Intte citaa miireti bolla baggaara beettiya bantta bollaa kifileta yootana mala oychchite. Zaaridi eti inttena oychchiyo wode Toophphiya malaata doonan zaaruwa immite.

Oosuwa 2


Hagaappe garssa baggaara misiliyan beettiya bollaa kifiletu go'aa Toophphiya malaata doonan qonccissite.



1. Ta ayfetun _____
2. Ta siiriyaa _____
3. Ta hayttan _____
4. Ta biradhdhetun _____
5. Ta inxxarssan _____

Oosuwa 3

Hagaappe garssa baggaara de'iya misiliya xeelliyogan misiliya bollan be'iyo bollaa kifileta Toophphiya malaata doonan tobbite.



















NAA 'ANTTO LUXETTAA

Qofa qashuwa medhdhiyogaa

Oosuwa


Hagaappe garssa baggaara imettida malaatatuppe ichchashaa dooridi Toophphiya malaata doonan qofa qashuwa medhdhite.

 <p>kushiya</p>	 <p>siiriya</p>	 <p>ayfiya</p>	 <p>hayttaa</p>
 <p>inxxarssaa</p>	 <p>tohuwa</p>	 <p>achchaa</p>	 <p>binnaanaa</p>
 <p>asatettaa</p>	 <p>hashiya</p>	 <p>kuriya</p>	 <p>biradhdhiya</p>
 <p>huuphiya</p>	 <p>tiraa</p>	 <p>uluwa</p>	 <p>doonaa</p>



Oosuwa 2

Hagaappe garssa baggaara de' iya misileta loytti xeellidi misiliya bollan intte be' do yohota Toophphiya malaata doonan inttena luxissiyagaasi yootite.



1.

2.

3.

4.

5.

6.

HEZZANNTTO LUXETTAA

Nabbabuwa

Oosuwa 1

Hagaappe garssaara de'iya qantta nabbabuwa luxissiyagee Toophphiya malaata doonan nabbabiyo wode suure kaallite.

Buzo geeshshatettaa

Nu heeran daro naati de'oosona. Ha qeeri naati ubba wode luxetta golliyappe simmoogaappe guyyiyan nu heeran de'iya dembban kaa'oosona. Naata dumma dumma kaassaa kaa'iyogee ufayssesee. Hachchi qassi daro naati kaassaa dembbaa yibookkona. Nu heeraa kombbe cimay mantaa Bakkaaloy ogiyara kanttiyo wode naati guuxxidoogee A yiilloyidoogee laa naatoo naatoo xeessees. Naati kaassaa bolli de'iyoo gishshawu oonnekka

A xeesaa siyibookkona. Wurssettan manta Doojjamo na'iyaa Lo'ita akeekaasu. Akko woxxa baada ayi koyidaakkonne oychchaasu. Ikka kaa'iyaa naati aybissi guuxxidaakkonne oychchiis. Akka daro naati harggoosona tenne yaagaasu. Ikka zaaridi aybbee sakkidayi yaagiis. Na'iyakka I aybbakko erikke yaagaasu. Mantta Bakkaaloykka yohoy Akeehippe qofissidoogee ba shooro goddattee Talggoorikko biidi oychchiis. Goddatiya Talggoora daro naati geeshshatettaa pacaappe denddaagan sakkettiyogaa yootaasu. Ikka sohuwara agginnee naati kaa'iyoo dembbaa biidi naati shiiqana mala oychchiis. Naati ubbay shiiqidi Iaybissi koyidaakkonne giyogaa bantta kahan wotti denttidi oychchiyogaa doommidosona. Bitaneekka eta laggeti ayssi kaassaa dembbaa yeennan attidaakko oychchiis. Mule naatika erennaagaatton yootidosona. Mantta Bakkaaloykka naati harggiyogaanne harggiya gaasoykka geeshshatettaa paca gidiyogaa yootiis. Naatika buzo geeshshatettay aybee giidi oychchidosona. Manttaawaykka loddan buzo geeshshatettaa giyogee nu bollaa kifileta meecettiyyogaa, geeshshiyogaanne naagiyogaa yaagidi yootiis. Intte galla galla kaassawu ha dembbaa yeeta, ha dembban qassi baanay de'ees. Baanaa

gidдон айфиан бeттeннa хaрггиya кaaлeттia пaxабaтi дe'ooсoнa. Hегaa гишшaху ubбaтooккa кaaсaaппe сiммийo вoдe бaнттa бoллaa мeeцeттaнa мaлa зoриис.

Naatikka kaassaappe simmiyo wode xalaalaanee meecettana koshshiyoyi yaagidi oychchidosona. Mantta Bakkaaloykka keeppe lo'oo oysha giyogan qonccissuwa gujjiis. Hagaadan yaagiis ubba wode xissikkuwappe dendiyo wode som'uwa meecettana koshshees. Gujjuwankka qumaa maanaappe kasetidi kushiya saamunan meecettiyogaa dogana bessenna. Qumaa miyo wode xalaala gidennan sheeshshawu biidi yi simmidikka kushshiya saamunaaninne geeshsha haattan meecettite. Naatikka eeno abbabboo galatoos yaagidi bantta kaassawu simmidosona.


Koyro meeziya

Qommo baggaara de'iya nabbabuwa baaso oottiyogan inttena luxissiyagee/ra oychchiyo oyshaa Toophphiya malaata doonan zaaruwa immite.

1. Heeran de'ya naati luxetta golliyappe simmiyo wode awan kaa'iyonnaa?
2. Heeraa kombbe cimay manta Bakkaaloy naata xeesidi ayi oychchidee?
3. Heeran de'iya naati sakkettidoy ayba harggee?
4. Manttaaway heeran de'iya qeeri naatussi buzo geeshshatettay woygiyogaakkonne waati qonccissidee?
5. Manttaaway heeraa naatussikaassaappe simmiyo wode meecettana besseeta giidoy ayibissee?
6. Buzo geeshshatettaa naaguwa koshshiyoy awudee?

ICHCHASHSHANTTO SHEMPPUWA

YELIDAAGEETU AAWATETTAA



KOYRO LUXETAA

Xeellidi nabbabiyogaa

Oosuwa 1

Intte citaa miireta banttasoo asaa yarata yootana malanne eta oosuwa gishshaykka ayba gidana bessiyakko intteyo yootana mala Toophphiya malaata doonan oychchite. Inttenakka eti oy-chchiyo wode zaarite.

Oosuwa 2

Hagaappe garssa baggaara de'iya misileta xeelliyogan misiliya bollan be'iyoo oosota inttena luxissiyagaa Toophphiya malaata doonan qoncciyann bessite.





- 1.
- 2.
- 3.
- 4.

Koyro meeziya

Hagaappe garssa baggaara shiiqida oyshata Toophphiya malaata doonan zaarite.

1. Neyyo ishantti de'iyonaa?
2. Aappun ishantti de'iyonaa?
3. Michchontti de'iyonaa?
4. Aappun michchontti de'iyonaa?
5. Aawaa aaway/aayee aaway de'iyonaa?
6. Aappunatti de'iyonaa?
7. Neeni oonaara de'ay?





Oosuwa 2

Hagaappe garssaara de'iyaa qantta tobbiya luxissiyagee/ra Toophphiya malaata doonan nabbabiyo wode loytti akeekoogaappe guyyiyan waattan waattan gididi kayan kayan meezetite.

Nusoo asaa

Luxissiyagaa: Corppoo?awu bayi?

Corppa: lo'otenne luxissiyageetoo.Nusoo asaara dabbosoo bullachchaa boos.

Luxissiyagaa: Keehi ufayssiyaba.Ane inttesoo asaara eretissa.

Corppa: eeno luxissiyageetoo.Hagee Ta aawaa .Asunttay Minota geetettees.Taawulee hageeti Tana luxissiyageeta.Eta sunttay manta Leqqa geetettees.

Mantta Minota: Aymaiee luxissiyagoo!nena demmada ufayttaas.Hinna Ta keettaayyiyo .Isunttay godattiyo Sunqqalo geetettees.

Luxissiyagaa: Aymalee mantta Minotaa? Tanakka inttenaara erettidoogee ufayssees.

Mantta Minota: Hegeeti Corppu ishshantanne michchonta. Gitatiyagee Goobana geetettes. Guuxxiyara qassi Bakkanno geetettawusu.

Luxissiyagaa: Aymala de'ettii naatoo?

Ichchashshantto shemppuwa: yelidaageetu aawatettaa

Corppa: Hagee qassi Ta aawaa aawaa Asunttay mantta Goddeeba geetettes. Hinna qassi Akeettaayiyo

Goddattiyo Daphphaso geetettawusu.

Luxissiyagaa: aymalee Corppu aawaa aawanttoo?

Corppa: hegee qassi Ta aayyee aawaa Asunttay Seebba geetettes. Hinna qassi Akeettaaiyogoddattiyo Sonaamo geetettawusu.

Luxissiyagaa: aymalee Corppu aayee aawanttoo?

Corppa: Hegeeti qassi Ta aawaa ishaanne michchontta. Haggaa baggaageeti qassi aayee ishaanne michchiyo.

Luxissiyagaa: aymalee Corppu aawaa/aayee ishshanttoonni michchonttoo?

Corppa: Hanaa'ati qassi Ta aawaa ishaa naata. Hegeeti heezati qassi aawaa michchee naata.

Luxissiyagaa: keehippe lo'iyaba etaara erettidoogee Tana ufayssees.

Corppa: luxissiyagoo hageeti simi asata ubbaykka bullachchaa biishshin demmideta.

Luxissiyagaa: keehippe galatays Corppoo inttesoo asaara erettissido gishshawu.

Koyro meeziya

Qommo baggaara de'iya qantta tobbiya baaso oottiyogan luxissiyagee oychchiyo oyshaa Toophphiya malaata doonan zaaruwa immite. Zaarotai gamma gidikko Tuma bala gidikko worddo giidi zaarite. Worddo giidi zaarido oyshatuyo gamma zaaroy aybakko qonccissite.

1. Corppu banttasoo asaara dabbosoo bullachchaa biishiina luxissiyagee A demmidoy.
2. Corppu bana luxissiyagaayo hagee Ta aawaa Leqqa geetettees yaagidi eretissiis.
3. Corppuyo naa'u ishantinne issi michchiya de'oosona.
4. Corppu aawaa aaway nne aawaa aayiya Goddeebanne Daphphaso geetetoosona.
5. 5. Corppuyo heezzu aawaa michchee naatinne naa'u aawaa ishaa naati de'oosona.

Oosuwa 3

So asaa daashshaa misiliya medhdhite. So asaa daashshan hagaappe garsa baggaaraqonccida dabbotettaa gelissidi Toophphiya malaata doonan bessite.

Intte aawaa aawaa /aayee aawaa aayiyo

Intte aaiyonne aawaa


Intte aawaa/aayee ishantanne michchontta

Intte ishantanne michchontta

Inttena

USUPPUNTO SHEMPPUWA

NAATI AYI OOTTIYONAA?




KOYRO LUXETTAA

Xeellidi nabbabiyogaa

Oosuwa 1

Hagaappe garssa baggaara de'iya misileta akeeki xeellidi misiliya bolla intte be'idobata luxissiyagaassi/rissi Toophphiya malaata doonan yootite.




Oosuwa 2

Haggaappe garssa baggaara de'iya misileta xeelliyogan misiliya bollan be'iyoo oosota intte miyyan de'iya miiretuura Toophphiya malaata doonan tobbite.



Oosuwa 3

Hagaappe garssa baggaara de'iya misileta xeelliyogan misiliya bolla be'iyoo oosota luxissiyagaassi/rissi Toophphiya malaata doonan yootite.



NAA”ANTTO LUXETTAA

Naachchaa

Oosuwa 1

Hagaappe garssaara de’iya qantta tobbiya inttena luxissiyageeti Toophphiya malaata doonan nabbabiyo wode xeellidi citan akeeki simmidi waattan gididi kayan kayan meezetite.

Ayiootteetii?

Aawaa: Laa naatoo,naatoo awu biidonaashsha hanaati?

Na’aa: Yee Taawulee!

Aawaa: Ayibee xeessin siyekkettii ye?Ibawu intte ayi oottiddee Ta hagaakkeeni waassin siyyennaagee?

Na’aa: Dirssappe kare kiyyidi kowaassiya kaa”eettees.

Aawaa: Ne ishshayne ne michchiya shin?

Na’aa: Etikka de’oosona. Inunaara kowaassiya kaa”ees.Aqassi ba laggetuura wodoruwa gufaa kaa”awusu.

Aawaa: Hodde gelite.wodee ha’iso oosuwa oottiyonne xana”iyo wode.

Na’aa: Eeno Taawulee.Baada naa’aakka xeesana.

Aawaa: Lo’o elle xeesa yaatidi xana”anawu geleeta.Xinaatiya wurssiyo wde ayi oottanaakkonne tobbana.

Na’aa: Eeno

Aawaa: yiidetii?minoti!hagaa keenaa kaa’ikko gidana. Ha’I koyrottidi so oosuwa ootteeta.so oosuwa wurssiyo wode xana”anawu geleeta.Xana”u-wa kuuyidi guutaa shemppi ekkidi issoy daarinchchan tokkidobata haattaa ushsha, naa’aappe issoy sogiddon oottiyo buqurata meecca,issoy wuyyigiya pitta.

Naata: eeno abbaa!xinaatiya kuuyi simmidi tobbidi ooni ayi oottanaak-konne yootana.

Aawaa: Lo'o tanaatoo.


KOYRO MEEZIYA

Bolla baggaara de'iya qantta naachchaa baaso oottidi luxissiyagee oych-chiyo oyshaaToophphiya malaata doonan zaaruwa immite.

1. Naati ayi oottiyonaa?
2. Na'aa michchiya ayi oottadee?
3. Aaway naata xeessidi ayi oottana mala azazidee?
4. Aaway naata xinaattiyappe simmin ayi oottana mala oychchidee?
5. Naati soo yoogaappe guyyiyan ayi ayi oottanaakkonne baagaa baagaa shaakkidosona.


Oosuwa 2

Hagaappe garssaara imettida malaatata go'ettidi Toophphiya malaata doonan qofa qashuwa medhdhite.

 <p>maxaafaa</p>	 <p>muussaa</p>	 <p>ushshaa</p>
 <p>uttiyogaa</p>	 <p>zin''iyogaa</p>	 <p>nabbabiyogaa</p>
 <p>kaa'iyogaa</p>	 <p>guppiyogaa</p>	 <p>woxxiyogaa</p>

LAAPPUNTTA SHEMPPUWA

HA'I WODEE BONE



KOYRO LUXETTAA

Xeellidi nabbabiyogaa

Oosuwa 1

WODiya qommota intte citaa miireta Toophphiya malaata doonan oy-chite

Oosuwa 2

Hagaappe garssaara de'iya misileta akeeki xeellidi garssa baggaara de'iya oyshatu zaaruwa luxissiyagaassi Toophphiya malaata doonan bessite.



1. Ira wodee ayibageetetii?
2. Ciishshati ciyyiyo wodee ayba geetetii?
3. Awa wodee ayba geetetii?
4. Ciishshati meliyo wodenne bonccuwa qoqoppiyo wodee ayba geetetii?

Oosuwa 3

Hagaappe garssaara de'iya misiliya xeellada misiliya bolla be'iyoo hanotata intte miyyiyan de'iya laggiya Toophphiya malaata doonan oychchite. Zaarettidi intte laggeti oychchiyogaakka Toophphiya malaata doonan zaarite.



NAACHCHAA

Ha gaappe garssaara de'iyaa qantta tobbiya luxissiyagee Toophphiya malaata doonan nabbabiyo wode xeellidi waattan gididi meezetite.

Balgguwan luxetti baawa

Buura: Ayimalee godattee Woppee?

Godattiyo Woppo: Ayimalee Buuraa?

Buura: Lo'ottenne godattee Woppee. Awu baanaaneetii?

Godattiyo Woppo: so gidдон koshshidabaa shamanawu giyaa bays.

Buura: Away darido gishshawu gaada gayis.

Godattiyo woppo: ee awaykka dariisi shin dibaabiya oyqaas. Neeni luxetta golliya biikkiiye ha'i hagan ayi oottayi?

Buura: Blggo gidennee! Balggo luxetti baawa tenne.

Godattiyo Woppo: Eeshsho! Neni gamma Taani dogaa. Keehippe lo'o, hode luxettay xayiyabaa gidikko Tanaara giyaa hinda Tana maaddaasa.

Buura: Eeno godattee woppee.

Godattiyo Woppo: balggo xalaalaanee luxettay baynnay?

Buura : Ee! Nuna luxissiyageeti yootidoogaadan layttaa gidon oydu wodeti de'oosona. Ofinttaa, boniya, badhdheesaanne balgguwa geetettoosona. Balggo giyogee ira wodiya. Yaaniyo gishshawu ira wodiyan luxetti baawa. Hara heezzu wodeti luxetta wodeta.

Godattiyo Woppo: Minoy! luxissiyagee yootidobaa dogabaakka. Balggo luxettay xayiyaba gidikkonne xinaattiya aggana koshshenna. Hegaadan gidana xayyikko luxettay doommiyo wode kase luxidobaa dogana dandayaasa.

Buura: Eenogodattee Woppee xana'ana! zorido gishshawu keehippe galatayis. doggidobaa hassayanaadan oottideta.

Godattiyo Woppo: aynnebaa, Ne Ta na'aa gidikkii? Nebay Tanakka xeell-esttenne. Hode mino na'a gidana besaasa.

Buura: Eeno !

Godattiyo Woppo: hode giyaa gakkida koshshidabaa elle shshammidi soo simooms.

Buura: loddan shammikkokka metoy baawa. Intte koyidobaa shammidi simooms.

KOYRO MEEZIYA

Qommo baggaara de'iyaa qantta tobbiya baaso oottiyogan luxissiyageeti oychchiyo oyshaassi Toophphiya malaata doonan zaaruwa immite.

1. Godattiya Woppa awu baanaanayi?
2. Buuri luxetta golliya bibeennaagee aybbissee?
3. Buuri godattee Woppissi odido oyddu wodeti aybbee? aybbee?
4. Buurassi oyddu wodetubaa odiday oonee?
5. Godattee Woppiira: Buuraara issippe biidoogee ayi oottanaassee?


Oosuwa 2

Hagaappe garssaara imettida qaalata go'ettidi Toophphiya malaata doonan qofa qashuwa medhdhite.

 <p>balguwa</p>	 <p>badhdheesaa</p>	 <p>meeguwa</p>
 <p>shaaraa</p>	 <p>ofinttaa</p>	 <p>awaa</p>
 <p>iraa</p>	 <p>carkkuwa</p>	 <p>boniya</p>

HOSPUNTO SHEMPPUWA

TANA LUXISSIYARA LEE”E



KOYRO LUXETTAA




Xeellidi nabbabiyogaa

Oosuwa 1

Intte citaa miireti asaa buqurata qonccissota yootana mala Toophphiya malaata doonan oychchite. Intte citaa miireti yootibbeennabata gujjidi tobbite.


Oosuwa 2

Hagaappe garssaara de'iya misileta xeelliyogan misiliyan be'iyobata lux-issiyagawu Toophphiya malaata doonan yootite.



Oosuwa 3

Hagaappe garssaara de'iya misiliya xeelliyogan misiliya bollan be'iyoyohota intte miyyiyan de'iya laggeta Toophphiya malaata doonan oychchite. Intte laggeti oychchiyogaakka malaata doonan zaarite.





NAA'ANTTO LUXETTAA

Qofa qashuwa medhdhiyogaa

oosuwa 1


Hagaappe garssa bagaara immettida malaatata go'ettiyogan Toophphiya malaata doonan qofa qashuwa medhdhite.





Oosuwa 2

Hagaappe garssaara de'iya misileta loytti xeelidi misileta luxissiyagaassi
Toophphiya malaata doonan bessite



NIBBAABIYA

Hagaappe garssaara de'iyaa qantta nibbaabiya luxissiyagee Toophphiya malaata doonan nabbabiyo wode suure kaallite.

Adussa ogiya

Buukuloy nuheeran de'iyaa mino luxanchchatuppe issuwa. Issi gallassi Buukuloy ba aayeeranne ba aawaara giyaa kiyyiis. Eti giyaa biidoo-gee Buukuloy luxettan xoqqa ayfiya xaafissidoogee ufayissin maayuwa shammanaassa. Buukulo do'oy de'iyoy ambaappe ganddaakko zarda'l ekkiya heera gidiiyo gishshawu adussa ogiya gediyan hemettiyogaa doommidosona. Giyaa gakkiyorin Buukulo aaway ayi koyyiyakko oychchidosona. Ikka kareta bolaaliya, bootta shamiziya, salo mera oridde shuraabbiya, giraaca mera caammaa, zo'o caammaa shuraabiya, bootta garssaara gixxiyo bolaaliyanne kanateeraa, maata mera ispporitte maayuwa, adl'e ciishsha mera jakkeetaa, kareta saqqiya koyyiyogaa yootiis. Haaho ogiya hemettidi yiidaageeti Buukuloyne ayelidaageeti giyaa gelanaappe kasetidi issi shayye keettaa gelidi shemppoosona. Kiiittiyara Buukulo do'oy uttido xaraphpheezaa quccayda ayi kiiittoo gaada oychchaasu. Adussa ogee daafurssido Buukuloyne etasoo asay shugo ushshaa ehana mala oychchidosona. Akka azazzettidoogaa eesuwara ehada dooyidaara wancaara wotta aggaasu. Buukuloykka lee'e gididi adussa wanccan tigidi ushshaa doommiis. Buukulo aayeessinne aawaassi qassi qantta gididi orde wancaaa ehaasu. Etikka wanccan tigidi uyyiyogaa doommidosona. Ushshaa uyidi shemppi ekkidaageeti marccuwa qanxxidi giyaa gelidosona. Giya giddoppe Buukulloy koyayis giyo maayota koyi shammidaageeti banttasoo adussa ogiya tohuwan hemetaa doommidosona.


Koyro meeziya

Qommo bagaara de'iya nibbaabiya dendo oottiyogan luxissiyagee oychchiyo oyshawu Toophphiya malaata doonan zaaruwa immite.

1. Buukulossi maayoy shamettiyoy aybbissee ?
2. Buukuloyne eta soo asay de'iyoy awaanee ?
3. Buukuloy ba aawaassi aybi shamettana mala odidee ?
4. Buukulossinne etasoo asaassi shyeye keettan ushshaa uyanawu imettida wancay ayi malee ?
5. Buukulossi koshshiya maayota shammi simmidi banttasoo guyye aybin yiidona ?

UDDUPPUNTTO SHEMPPUW

NE KORJOJOY AYI MALATTII?



KOYRO LUXETTAA


Xeellidi nabbabiyogaa

Oosuwa 1

Kifile gidдон intte citaa miireti oyqqidobay ayimissattiyakkonne Toophphiya malaata doonan oychchite. Eti inttena oychchi-yobaakka malaata doonan zaarite.



Oosuwa 2

Hagaappe garssa baggaara de'iya misileta akeeki xeellidi misiliya bolla be'iyobata luxissiyagaassi Toophphiya malaata doonan bessite.



Oosuwa 3

Hagaappe garssaara de'iya misiliya bolla be'iyobata intte miyy-
iyan laggiyara Toophphiya malaata doonan tobbite.



NAACHCHAA

Oosuwa 1

Hagaappe garssaara de'iya qantta tobbiya luxissiyagee Toophphiya malaata doonan nabbabiyo wode xeellidi waattan waattan meezetite.

Maata mera irzzo saatiya

Luxissiyagaa: Aymala aqqidettii luxiyageetoo ?

Luxiyageeta: Lo'o Xoossaa wolqqan luxissiyageetoo.

Luxissiyagaa: Hachchi nuuni luxanaagee issi buquraassi de'iya qottaa, yessuwanne meraa waati qonccissanaakko heгаа xeelliyagana.

Saroto: Irzzo, oyddu zoozenne heezzu zooze.

Luxissiyagaa: daro lo'o! hageetu xallee qottay ?

Ashshikka: mulumuqqe zolddonne pidda.

Luxissiyagaa: keehi lo'o ha'i qassi yesuwa qommota odanay oonee ?

Jorgga: woggaa, simanne guutaa.

Luxissiyagaa: keehippe mino! Wurssettan qassi meraa qommota yootanay oonee?

Cara: maata mala bootta adl'e ciishsha mala kareta, zo'o, salo mera, giraacanne shoollo

Luxissiyagaa: keehippe mino! hanno gakkanawu qottaa qommota yesuwa qommotanne meraa qommota be'ida. Ha'i qassi ha heezzata issippe go'ettidi yooteeta. Taani issi leemisuwa bessana. Gita maata mera irzzo saatiya.


KOYRO MEEZIYA







Qommo baggaara de'iya qantta naachchaa baaso oottidi luxissiyagee oychchiyo oyshaassi Toophphiya malaata doonan zaaruwa imma.

1. Luxissiyagee naata ayi luxissidee?
2. Sarota luxissiyagaassi hassayissido qottaa qommoti aybee? aybee?
3. Jorrggi luxissiyagaassi hassayissido yeso qommoti aybee? aybee?
4. Caree luxissiyagaassi hassayissido meraa qommoti aybee? aybee?

Oosuwa 2


Hagaappe garssaara imettida malaatata go'etidi Toophphiya malaata doonan qofa qashuwa oottite.



 <p>zo'o</p>	 <p>mataa mera</p>	 <p>adl''e ciishsha mera</p>
 <p>karetta</p>	 <p>bootta</p>	 <p>oyddu zooze</p>

TAMMANTTO SHEMPPUWA

GUURAN GUURAN AYI OOTTEETTII?



KOYRO LUXETAA

Xeellidi nabbabiyogaa

Oosuwa 1

Guuran guuran ayi oottiyakkonne malaata doonan tobbite.

Oosuwa 2

Hagaappe garssa baggaara de'iya misileta xeellidi misiliya bolla be'iyobata galla galla oottiyobata luxissiyagaassi Toophphiya malaata doonan bessite.



Oosuwa 3

Hagaappe gassaara de'iya misiliya xeelliyogan misiliya bollan be'iyogalla galla oosota intte miyiyan diyalaggetuura Toophphiya malaata doonan tobbite.



Oosuwa 4

Hagaappe garssaara de'iya misileta akeeki xeellidi issoy issoy ayi ootti-yakko intte matan de'iya miiretuura Toophphiya malaata doonan tobbite.





NAA'ANTTO LUXETAA

Nabbabuwa

Oosuwa 1

Hagaappe garssaara de'iya qantta nibbaabiya luxissiyagee Toophphiya malaata doonan nabbabiyo wode akeekan kaalite.

Conqqoshu galla galla oosota

Cnqqoshu nu kifiliyan de'iya gooba luxanchchatuppe issuwa. Luxissiya-gee galla galla nu oottiyobaa qonccissana mala oychchiyo wode ba galla galla oosota hagaadan qonccissees. Ubba wode guuran 12 saatiyan xiskuappe denddees. Dendosaara sheeshsha keetti biidi yoogaappe guyyiyan som"uwa meecettidi hiittaa kifiliya guyye simmees. Ba zin"ido hiixxaa giigissidi gallassi bawu maayyiyo maayuwa giigissees. Hegaappe simmidi hiitta kifiliya gorididi qumaa wottiyo kifiliya bees. Conqqoshu aayiyan qan"iya giigissada masoofiya bolli wottawusu. Conqqoshu qan"iya mees. Qan"iya mi simmidi achchaa miiqqees. Hegaappe simmidi kororjjuwa oyqqidi saro pe'ite giidi luxetta golliya bees.

Luxetta golliyan maallado luxettaa suure kaallees. Shemppo wodiya daalay shocettiyo wode kifiliyappe kiyyidi sheeshsha keetti bees. Sheeshsha keettaappe kiyyidi kushiya meecettidi haattaa uyinee kifiliya geles. Shemppo wodiyaappe simmin de'iya luxettaa luxi wurssidi 6 saate gakkiiyode laaxawu kiyyees. Ba kororjjuwa gidon laaxaa ekkidi laaxaa miyo sohuwa biidi laaxaa mi wurssidi meecettidi laaxaa miido miishshaa wottidi gallassaa luxettaa wodee gakkanaashin ba laggetuura kaa'ees.

Gallassaa luxettay wuriyorin ba kororjjuwa ekkidi soo simmees. Soo yiidi maayuwa laammi simmidi cuchcha mittidi so oosuwa oottees. Qumaa miido miishshaa meecci simmidi kare kiyyidi guuttaa ba laggetuura kaa'ees.soo gellidi 1 saate gidiyagaa xana"ees.aayiyanne aaway Conqqoshshussi gelibeenabay de'kko yootoosona.Xinaattiya wurssi simmidi wuygge yiidi odibessaa xeellees.

Qammaappe 1 saate gidiiyo wode tohuwa kushshiyanne som"uwa meecettees. Hegaappe simmidi kahuwa midi hiixxaa baanaappe kasettidi shemppi ekkees. Qammaappe 2 saate kumiyo wode hiitta kifiliya biidi zin"ees.

Hagee Conqqoshu galla galla saggappe bizza gakkanawu oottiyoba. Qeeraanne woggaa luxetta oosoti attin harabaa adankka oottees.

Oosuwa 2

Hagaappe garssaara imettida malaatatu giddoppe ichchashaa dooridi
Toophphiya malaata doonan qofa qashuwa medhdhite.



KOYRO MEEZIYA

Qommoora de'ya qantta nabbabuwa baaso oottidi luxissiyagee oychchiyo oyshawu Toophphiya malaata doonan zaaruwa immite.

1. Conqqoshshu galla galla oosoti aybee? aybee?
2. Conqqoshshu galla galla luxetta golliyan oottiyo oosoti aybee? aybee?
3. Conqqoshshu luxetta golliyappe simmiyo wode poliyo oosoti aybee? aybee?
4. Conqqoshshu omarsan oottiyobati aybee? aybee?

TAMMANNE ISSIININTTO SHEMPPUW

ISPPORTTIYA KAASSAA



KOYRO LUXETTAA


Xeellidi nabbabiyogaa


Oosuwa 1

Intte citaa miireta ayi oottanawu dossiyakko Toophphiya malaa-ta doonan oychchite. Intte laggetikka intte ayi dossiyakko oych-chyo wode zaarite.

Oosuwa 2

Hagaappe garssaara de'iya misileta akeeki xeellite misiliyan be'idobata luxissiyagaassi Toophphiya malaata doonan bessite.





Oosuwa 3

Hagaappe garssaara de'iya misileta xeellidi misiliya bolla be'iyo isportte oosota intte miyyiyan de'iya miiretuura Toophphiya malaata doonan tobbite.



NAA”ANTTO LUXETTAA

Nabbabuwa

Oosuwa 1

Hagaappe garssaara de’iya qantta nibbaabiya luxissiyagee Toophphiya malaata doonan nabbabiyo wode akeekan kaallite.

Ispporttiya kaassaa

Ispporttiya kaassati asaa naata allaxissiyogaappe hara daro go’ay de’ees. Ispportte kaassati bayrattittan so ispporttetanne kare ispportteta geeteti xeessetoosona. So ispportte kaassatu gidдон xaraphpheezaa teennisiiya, jootoniya puulliya, karanbullaa, boollinggiya malatiyageetibeettoosona. Karespporttiya kaassaa gidдон de’iyageeti toho koowaassiiya ,gite kowaassiiya, daachcho kuwaassiiya , kushе kowaassiiya, wottaa, xonggettaa, gupaa h. h. m.

Ispportte kaassata allaxettaddan go’ettiyo wode naa”ubay de’ees. Issoy harati oottiyo ispporttiya kaassaa kaalliyogaa gidishin naa”anttoy nuhuuphen ispporttiya kaassaa hashshetiyyogaa. Ispporttiya kaassa hashshetiyyogee bollaa payyatetawu keehippe koshshiyaba. Asay bapayatettaassi hara oosuwa oottiyogaadan galla galla ispporttiya qaattaa oottana koshshees. Asay ba koshshaadan dumma dumma ispporttiya qaattaa oot-toosona.

Ispporttiya kaassay allaxettaassinne payyattettawu koshshiyogaappe gujuwan issi biittaa hara biittaa gattanawunne erettissanawu xoqqa beeray de’ee. Toophphiya erettiyo ispporttiyappe issoy attileetikkissiiya/wottaa/.Ubba simanne adussa wottan daro sunntaa xeesissiiya wottanchata kessiyogan erettawusu.

KOYRO MEEZIYA

Qommo baggaara de'iyaa qantta nibbaabiya dendo oottiyogan luxissiyagee oychchiyo oyshawu Toophphiya malaata doonan zaaruwa immite.

1. Isporttiya kaassawu asaa allaxissiyogaappe hara go'ay aybee?
2. So giddo isportte kaassata giyogeeti aybee?aybee?
3. Kare isportte kaassata giyogeeti awugeettee?
4. Isporttiya kaassata allaxettawu waatiyakko go'e qonccissite.
5. Toophphiya erettiyo isportte kaassatu bayrattiyagaa hassayissiyogan qonccissite.


Oosuwa 2

Hagaappe garsaara imettida malaatatun Toophphiya malaata doonan qofa qashuwa medhdhite.



TAMMANNE NAA"ANTTO SHEMPPUWA

LUXISSIYAGEE LUXETTA
GOLLIYAN OOTTEES.



KOYRO LUXETAA


Xeellidi nabbabiyogaa

Oosuwa 1

Intte citaa miireta eti eriyo ooso qommotanne awan oossettiyako yootana mala Toophphiya malaata doonan oychchite.


Oosuwa 2

Hagaappe garssaara de'iya misileta xeellidi misiliya bolla intte be'iyoo eranchchata eta ooso sohooy awakkonne luxissiyagaassi Toophphiya malaata doonan bessite



Oosuwa 3

Hagaappe garssabaggaara de'iya misiliya xeelliyogan misiliya bolla be'iyoo eranchchata intte miyyiyan de'iya laggetuura Toophphiya malaata doonan tobbite.



NAA'ANTTO LUXETTAA

Nabbabuwa

Hagaappe garssaara de'ya qantta nabbabuwa luxissiyagee Toophphiya malaata doonan nabbabiyo wode loytidi kaallite.

Aakimiya Ta aayyiya hospittaaliyan oottawusu.

Taani heezzantta kifile luxanchcha. Luxissiyagee era /hiillaa/ qommo-ta oychchananne ppissiya giigissana mala oychchido gishshawu nusoo asaabaa xaafiyakko lo'ennan aggenna gaada qoppaas. Taani de'iyoy Ta aayyeeranne Ta aawaara. Nuson Tawurssetta na'a Tawu naa'u ishshantinne naa'u michchontti de'oosona. Issi ishshayenne issi michchiya oosuwa doommidosona. Nuuni qassi biron luxiidi de' eettees.













Ta aayyiya aakime. Akka oottiyoyi nu ambban de'iya wogga hosppitaalliyana. Ta aaway qassi luxissiyagaa. Ta aaway ambban erettida luxissiyageeta loohissiyo kolloojiyan oottees. Nuson bayra na'ayenne Ta bayra michchiya daanna. A oottiyoyi pixa keettaana. I ppe kaalo ishshay qassi xaacce Iqassi xaaccegolliyan oottees. Taassi aawaa aawayenne aawaa aayyiya de'oosona. Naa'aykka cimatettaappe dendidaagan oosuwa essidi soo simmidosona. Ta aawaa aaway shagaxaa zal'ees. Ioottiyoy suyqqiyana. Ta aawaa aayyiya kawo oosanchcha gidukku. Aso gidduwa xeellawusu. Tawu oyddu aawaa ishshantinne naa'u aawaa michchonti de'oosona. Ubbaykka oosuwa oyqqidosona. Issoy kaamiya laaggees. Haray qassi uteele keettan oottees. Heezzanttoy shuchchan keettaanne dirssaa diriyogaa oottees. Oydanttoy qassi tookki paallaa laaggees.

Naa'u aawaa michchotuppe issinna tooppaallaa toggiyonne wottiyo sohuwan oottawusu. Hankkora qassi aakkime.

Hagaappe garssaara imettida misileta go'etidi Toophphiya malaata doonan qofa qashuwa medhdhite.

Leemisuwaa:-

Luxissiyagee luxetta golliyan oottees.

 <p>Daannaa</p>	 <p>luxissiyagaa</p>	 <p>aakimiyyo</p>
 <p>aakimiya</p>	 <p>ayssiyagaa</p>	 <p>manddiissiya</p>
 <p>Kaamiya laaggiyagaa</p>	 <p>xaacciya</p>	 <p>luxetta golliya</p>
 <p>Xaliya bayzziyosaa /hospitaaliya/</p>	 <p>ooso keettaa</p>	 <p>goshs hanchchaa</p>

Koyro meeziya

Qommoora de'iya qantta nabbabuwa dendo oottiyogan luxissiyagee oychchiyo oyshaassi Toophphiya malaata doonan zaaruwa immite.

1. Ha hayddaa xaafidaagaa aayyiyanne aaway aybaa oottiyonaa?
2. A ishayenne michchonti ayi oottiyonaa?
3. Aawaa aawayenne aawaa aayyiya cimatettaa gaasuwan oosuwa essan-aappe kase ayi oottiyonaa?
4. Aawaa ishshantinne aawaa michchonttiayi oottiyonaa?